



**O'ZBEKISTON RESPUBLIKASI
OLIY VA O'RTA MAXSUS TA'LIM VAZIRLIGI
ALISHER NAVOIY NOMIDAGI TOSHKENT DAVLAT O'ZBEK TILI VA
ADABIYOTI UNIVERSITETI**

BUYRUQ

2021-yil “18” 03.

Nº 01-122

Toshkent sh.

**Universitetda jamoatchilik Kengashi
faoliyatini tashkil etish va rivojlantirish
to‘g‘risida**

O‘zbekiston Respublikasi Prezidentining 2018-yil 4-iyuldaggi “Davlat organlari huzurida jamoatchilik kengashlari faoliyatini tashkil etish chora-tadbirlari to‘g‘risida”gi PQ-3837-sonli qarori ijrosini ta‘minlash maqsadida

B U Y U R A M A N:

1. O‘zbekiston Respublikasi Prezidentining 2018-yil 4-iyuldaggi “Davlat organlari huzurida jamoatchilik kengashlari faoliyatini tashkil etish chora-tadbirlari to‘g‘risida”gi PQ-3837-sonli qarori ijrosini ta‘minlash maqsadida universitet jamoatchilik Kengashi to‘g‘risidagi Nizom 1-ilovaga, jamoatchilik Kengashi tarkibi 2-ilovaga muvofiq tasdiqlansin.
2. O‘zbekiston Respublikasi Prezidentining 2018-yil 6-iyundagi “Oliy ta’lim muassasalarida ta’lim sifatini oshirish va ularning mamlakatda amalga oshirilayotgan keng qamrovli islohotlarda faol ishtirokini ta‘minlash bo‘yicha qo‘srimcha chora-tadbirlar to‘g‘risida”gi PF 3775-sonli qarorining 6-bandiga muvofiq, ushbu tarkibdagi jamoatchilik kengashi faoliyatini tashkiliy jihatdan ta‘minlash universitet Yoshlar ittifoqi boshlang‘ich tashkiloti yetakchisi O.O.Olimjanov zimmasiga yuklatilsin.
3. Ushbu buyruqning ijrosini nazorat qilish Yoshlar masalalari va ma’naviy-ma’rifiy ishlari bo‘yicha prorektor B.A.Xoliquov zimmasiga yuklatilsin.

Asos: O‘zbekiston Respublikasi Prezidentining 2018-yil 4-iyuldaggi “Davlat organlari huzurida jamoatchilik kengashlari faoliyatini tashkil etish chora-tadbirlari to‘g‘risida”gi PQ-3837-sonli qarori

Rektor



Sh.Sirojiddinov



Universitet rektorining 2022-yil 18- 03 dagi
-sen buyrug'iiga 1-ilova

**Alisher Navoiy nomidagi Toshkent davlat o'zbek tili va adabiyoti universiteti
huzuridagi jamoatchilik Kengashi to'g'risidagi
NIZOM**

1-bob. Umumiy qoidalar

1. Mazkur Namunaviy nizom (keyingi o'rirlarda Nizom deb yuritiladi) Alisher Navoiy nomidagi Toshkent davlat o'zbek tili va adabiyoti universiteti huzuridagi jamoatchilik Kengashining (keyingi o'rirlarda — universitet jamoatchilik Kengashi) asosiy vazifalari, funksiyalari, vakolatlarini va faoliyatini tashkil etish tartibini belgilaydi.

2. Jamoatchilik Kengashi o'z ishini jamoatchilik asosida olib boradigan, doimiy faoliyat yurituvchi maslahat-kengash organi hisoblanadi.

3. Jamoatchilik Kengashi universitetning markaziy apparati huzurida tashkil etiladi va uning faoliyati universitetning barcha hududiy bo'linmalari hamda tasarrufidagi tashkilotlariga tatbiq etiladi.

4. Jamoatchilik Kengashi universitet rektorining buyrug'i bilan tashkil etiladi.

5. Jamoatchilik Kengashining qarorlari tavsiyaviy xususiyatga ega.

6. Jamoatchilik Kengashi o'z faoliyatida O'zbekiston Respublikasining Konstitutsiyasi va qonunlariga, O'zbekiston Respublikasi Oliy Majlisi palatalarining qarorlariga, O'zbekiston Respublikasi Prezidentining farmonlari, qarorlari va farmoyishlariga, O'zbekiston Respublikasi Vazirlar Mahkamasining qarorlari va farmoyishlariga, mazkur Nizomga hamda boshqa qonun hujjatlariga amal qiladi.

7. Jamoatchilik Kengashi to'g'risidagi nizom va unga kiritiladigan o'zgartishlar hamda qo'shimchalar universitet rektorining buyrug'i bilan tasdiqlanadi.

**2-bob. Universitet jamoatchilik Kengashining asosiy vazifalari, funksiyalari,
huquqlari va majburiyatları**

8. Quyidagilar jamoatchilik Kengashining asosiy vazifalari hisoblanadi:

qabul qilinayotgan normativ-huquqiy hujjatlarda, qarorlarda, shuningdek, davlat, tarmoq va hududiy rivojlantirish dasturlarida jamoatchilik manfaatlari va jamoatchilik fikri hisobga olinishi, fuqarolarning, yuridik shaxslarning huquqlari va qonuniy manfaatlarni, jamiyat manfaatlarni himoya qilish sohasida qonun hujjatlari talablari ijrosini ta'minlash, davlat organi zimmasiga yuklangan hamda ijtimoiy va jamoatchilik manfaatlara daxl qiluvchi vazifalar va funksiyalarni bajarish, davlat xizmatlarini ko'rsatish, ijtimoiy sheriklik doirasida amalga oshiriladigan bitimlar, shartnomalar, loyihibar va dasturlarni ro'yobga chiqarish bo'yicha davlat organi va uning mansabdor shaxslarining faoliyati ustidan jamoatchilik nazoratini amalga oshirish;

birgalikda muloqot qilish, universitetning nodavlat notijorat tashkilotlari, ommaviy axborot vositalari va fuqarolik jamiyatining boshqa institutlari bilan samarali hamkorligini ta'minlash uchun universitetni fuqarolar bilan bog'lab turadigan «ko'pri» rolini bajarish;

universitetga nodavlat notijorat tashkilotlari va fuqarolik jamiyatining boshqa institutlaridan kelib tushgan sotsial va ijtimoiy ahamiyatga molik loyihalarni umumlashtirish va baholash;

fuqarolarning huquqlari, erkinliklari va qonuniy manfaatlariga daxl qiluvchi eng muhim masalalar yuzasidan davlat organining faoliyati haqidagi jamoatchilik fikrini tizimli monitoring qilish va har tomonlama tahlil qilish, sotsiologik so'rovlar o'tkazish, jumladan ularni axborot-kommunikatsiya texnologiyalaridan foydalangan holda o'tkazish;

universitet faoliyatida korrupsiyaga qarshi kurashish sohasidagi davlat dasturlari va boshqa dasturlarni ishlab chiqish hamda amalga oshirishda ishtirop etish, korrupsiyaga qarshi kurashish bo'yicha olib borilgan ishlar ustidan monitoring va tahlil o'tkazish, shuningdek, ularning natijalari bo'yicha takliflar tayyorlash;

universitet faoliyatining ochiqligini ta'minlash bo'yicha amalga oshirilayotgan tadbirlarni monitoring qilish, uning faoliyati to'g'risida batafsil axborot olish imkoniyatlarini tahlil qilish, ularni yanada kengaytirish bo'yicha takliflar ishlab chiqish;

universitet faoliyatini isloh qilishda fuqarolar ishtirop etishi uchun yaratilgan shart-sharoitlarni o'rganish va ularni yaxshilash bo'yicha takliflar ishlab chiqish;

universitet faoliyati bo'yicha fuqarolar o'rtasida o'tkaziladigan tushuntirish ishlari va ma'naviy-ma'rifiy tadbirlarda ishtirop etish, ularning samaradorligini oshirish yuzasidan takliflar ishlab chiqish;

universitet xodimlari va ular oilalarining uy-joy, ijtimoiy-maishiy, xizmat shart-sharoitlarini, ularga malakali tibbiy yordam ko'rsatish sharoitlarini, shuningdek, ishdan bo'shatilgan yoki zaxiraga olingan xodimlarni ijtimoiy va kasbiy moslashtirish bo'yicha muammolarni kompleks tahlil qilish hamda tahlil yakunlari bo'yicha mazkur sharoitlarni yaxshilash yuzasidan takliflar kiritish.

9. Jamoatchilik Kengashi o'z zimmasiga yuklatilgan vazifalarga muvofiq quyidagi funksiyalarni bajaradi:

universitetning faoliyatiga doir masalalar yuzasidan fuqarolar, nodavlat notijorat tashkilotlari va fuqarolik jamiyatni boshqa institutlarining tashabbuslari hamda murojaatlarini ko'rib chiqishda ishtirop etadi, shuningdek, ularni ko'rib chiqish natijalari bo'yicha davlat organiga tegishli takliflar kiritadi;

universitetning fuqarolar, nodavlat notijorat tashkilotlari va fuqarolik jamiyatining boshqa institutlari bilan o'zaro hamkorligini tahlil qiladi, shuningdek, hamkorlikni takomillashtirish yuzasidan takliflar ishlab chiqadi;

universitet faoliyatiga taalluqli uning normativ-huquqiy hujjatlari va qarorlarini takomillashtirish, ulardagi mavjud kamchiliklarni bartaraf etish bo'yicha takliflar ishlab chiqadi, shuningdek, kiritilgan takliflarni universitet xodimlari o'rtasida muhokama qilishga bag'ishlangan tadbirlarni tashkil etishda qatnashadi;

davlat dasturlari loyihalarini, tadbirlar rejalarini va davlat organi faoliyatiga taalluqli, shu jumladan korrupsiyaga qarshi kurashish to‘g‘risidagi boshqa hujjatlarni ishlab chiqish yuzasidan takliflar tayyorlaydi, qabul qilingan dasturlarni amalga oshirishda vakolatlari doirasida ishtirok etadi, bajarilgan ishlarning samaradorligini tahlil qiladi, shuningdek, yo‘l qo‘yilgan xato va kamchiliklarni bartaraf etish yuzasidan takliflar tayyorlaydi;

universitetga nodavlat notijorat tashkilotlari va fuqarolik jamiyatining boshqa institutlaridan kelib tushgan sotsial va ijtimoiy ahamiyatga molik loyihalarni ko‘rib chiqadi;

universitet rahbarlari va xodimlarining fuqarolar bilan uchrashuvlarini, shuningdek, jismoniy va yuridik shaxslar murojaatlarini ko‘rib chiqish bilan bog‘liq ishlarni tashkil etishda, shu jumladan joylarga borib tashkil etishda qatnashadi, ularning amalga oshirilishi ustidan monitoring o‘tkazadi;

universitet xodimlari va ular oilalarining uy-joy, ijtimoiy-maishiy, xizmat shart-sharoitlarini, ularga malakali tibbiy yordam ko‘rsatish sharoitlarini yaxshilashda, shuningdek, ishdan bo‘shatilgan yoki zaxiraga olingen xodimlarni ijtimoiy va kasbiy moslashtirish muammolarini hal etishda ko‘maklashadi;

xodimlar va ularning oila a‘zolarini ijtimoiy va huquqiy himoya qilish masalalari bo‘yicha universitet xodimlari o‘rtasida keng tushuntirish ishlarini tashkil etadi;

universitetda sog‘lom ishchanlik muhitini rivojlantirish, qonuniylikni, yuksak huquqiy madaniyat va axloqiylikni ta‘minlash, xodimlarda Vatanga sodiqlik ruhini va qonunlarga bo‘lgan hurmatni kuchaytirish, ularni ijtimoiy, siyosiy, ruhiy va ma’naviy-ma’rifiy kamol toptirish, shuningdek, mazkur sohadagi ilmiy-ma’rifiy va o‘quv adabiyotlarini takomillashtirish bo‘yicha takliflar ishlab chiqadi;

mamlakatda va xorijda keng jamoatchilikni universitet faoliyatiga isloh qilish bo‘yicha amalga oshirilayotgan tizimli chora-tadbirlar haqida muntazam ravishda xabardor qilishni ta‘minlaydi hamda mavjud muammolarni hal qilish va kamchiliklarni bartaraf etish yuzasidan takliflar ishlab chiqadi;

universitet faoliyatiga bag‘ishlangan ilmiy-nazariy va ilmiy-amaliy konferensiyalar, seminarlar, davra suhbatlarini tashkil etishda ishtirok etadi;

universitet faoliyatini ommaviy axborot vositalarida yoritish bo‘yicha bajarilayotgan ishlarning natijalarini tahlil qiladi, ularning samaradorligini oshirish va mavjud kamchiliklarni bartaraf etish yuzasidan takliflar ishlab chiqadi;

o‘ziga yuklatilgan vazifalarni bajarishda nodavlat notijorat tashkilotlari, ommaviy axborot vositalari, fuqarolik jamiyatining boshqa institutlari hamda fuqarolar bilan hamkorlik qiladi.

10. Jamoatchilik Kengashi zimmasiga yuklatilgan vazifalar va funksiyalarni bajarish uchun:

universitet tomonidan tashkil etiladigan bo‘lajak ochiq hay‘at majlislari va boshqa ommaviy tadbirlar to‘g‘risidagi axborotni oldindan olish hamda mazkur tadbirlarda ishtirok etish;

universitetning binolari (xonalari) va boshqa obyektlarini universitet tomonidan belgilangan tartibda borib ko‘rish;

universitet rektoriga jamoatchilik Kengash vakolatiga kiradigan masalalar yuzasidan takliflar kiritish;

universitet faoliyati samaradorligini oshirish bo'yicha takliflar va tavsiyalarni ishlab chiqish hamda amalga oshirish uchun zarur bo'lgan davlat organining axborotlari, statistika va boshqa materiallarini belgilangan tartibda olish;

universitetning qonun ijodkorligi faoliyatida, davlat organi tomonidan ishlab chiqilgan normativ-huquqiy hujjatlar loyihamalarining jamoatchilik va ekspertlar muhokamasini ta'minlashda ishtirok etish;

jismoniy va yuridik shaxslar murojaatlariga universitet tomonidan berilgan javoblarining sifatini tanlab olgan holda tahlil qilish;

universitet xodimlarining roziligi bilan ularning uy-joy, ijtimoiy-maishiy va xizmat shart-sharoitlari bilan tanishish;

jamoatchilik Kengash majlislarida muhokama qilinadigan masalalarni yoritish bo'yicha ommaviy axborot vositalari bilan hamkorlik qilish;

yuklatilgan vazifalarni bajarish uchun konferensiyalar, forumlar, seminarlar, davra suhbatlari va boshqa tadbirlarni tashkil etish huquqiga ega.

Jamoatchilik Kengashi qonun hujjatlariga muvofiq boshqa huquqlarga ham ega bo'lishi mumkin.

11. Jamoatchilik Kengashi o'z faoliyatini amalga oshirishda:

jamoatchilik nazorati to'g'risidagi qonun hujjatlarini talablariga rioya qilishi;

universitet faoliyati bilan bog'liq qonun hujjatlarida belgilangan cheklov larga amal qilishi;

universitet va uning mansabdor shaxslarining o'z vakolatlari doirasida amalga oshiradigan faoliyatiga aralashmasligi;

universitet va uning mansabdor shaxslari faoliyat ko'rsatishi uchun to'sqinlik qilmasligi;

fuqarolarning or-nomusi va qadr-qimmatini tahqirlashga, ularning shaxsiy hayotiga aralashishga yo'l qo'ymasligi;

jamoatchilik nazoratini amalga oshirish davomida olingan axborotning, agar bunday axborotni tarqatish qonun bilan cheklangan bo'lsa, maxfiyligiga rioya qilishi shart.

Jamoatchilik Kengashining zimmasida qonun hujjatlariga muvofiq boshqa majburiyatlar ham bo'lishi mumkin.

3-bob. Jamoatchilik Kengashining tarkibini shakllantirish va ishini tashkil etish tartibi

12. Jamoatchilik Kengashining tarkibiga uning raisi, rais o'rinosari, kotibi va a'zolari kiradi.

13. Jamoatchilik Kengashi a'zoligiga, qoida tariqasida, universitetda namunali xizmat ko'rsatgan mehnat faxriylari, jamoatchilik faoliyati sohalarida katta amaliy tajribaga ega obro'-e'tiborli fuqarolar, shuningdek, nodavlat notijorat tashkilotlari,

ommaviy axborot vositalari va fuqarolik jamiyatining boshqa institutlari vakillari qabul qilinadi.

Jamoatchilik Kengashi a'zolarining soni cheklanmagan.

14. Jamoatchilik Kengashining tarkibi universitet rektorining buyrug'i bilan har 3 yilda tasdiqlanadi.

15. Quyidagi holatlarda jamoatchilik Kengashining raisi, rais o'rinosari, kotibi va a'zolari uning tarkibidan chiqarilishi mumkin:

ular tomonidan jamoatchilik Kengashi tarkibidan chiqish to'g'risida ariza berilganda;

jamoatchilik Kengashining majlislarida muntazam ravishda ishtirok etmaganda, mazkur Nizomning 11-bandida nazarda tutilgan majburiyatlarni bajarmaganda;

ularga nisbatan chiqarilgan sudning ayblov hukmi qonuniy kuchga kirganda;

vafot etganda, shuningdek, sudning qonuniy kuchga kirgan hal qiluv qarori asosida ular muomalaga layoqatsiz, bedarak yo'qolgan yoki vafot etgan deb topilganda.

16. Jamoatchilik Kengashining tarkibi to'g'risidagi ma'lumotlar va unga kiritilgan o'zgartishlar ular tasdiqlangan paytdan boshlab 5 kun ichida universitetning rasmiy veb-saytida e'lon qilinadi.

17. Jamoatchilik Kengashining raisi:

jamoatchilik Kengashining faoliyatiga umumiyo rahbarlik qiladi;

jamoatchilik Kengashining majlislarini chaqiradi va kun tartibini belgilaydi;

jamoatchilik Kengashining majlislarida raislik qiladi;

jamoatchilik Kengashining ish rejasini, majlisi bayonnomasini va boshqa hujjatlarini tasdiqlaydi;

jamoatchilik Kengashi qarorlarining ijrosini nazorat qiladi;

jamoatchilik Kengashi a'zolarining zimmasiga yuklatilgan vazifalarni bajarilishini muvofiqlashtiradi;

universitetning rasmiy veb-saytida va boshqa resurslarda joylashtiriladigan jamoatchilik Kengashining faoliyati to'g'risidagi ma'lumotlar tarkibi bo'yicha takliflar kiritadi;

jamoatchilik Kengashining samarali ishini ta'minlash bo'yicha boshqa vakolatlarni amalga oshiradi.

18. Jamoatchilik Kengashining raisi bo'lмаган тақдирда, унинг ваколатлари ва маъбуриятларини rais o'rinosari bajaradi.

19. Jamoatchilik Kengashi raisining o'rinosari:

rais yo'qligida jamoatchilik Kengashining majlislarida raislik qiladi;

jamoatchilik Kengashi qarorlarining ijrosini nazorat qilish bo'yicha ishlarni tashkil etadi;

fuqarolarni va yuridik shaxslarning vakillarini qabul qiladi, shuningdek, jamoatchilik Kengashi faoliyatiga taalluqli murojaatlarni ko'rib chiqish bo'yicha ishlarni tashkil etadi;

jamoatchilik Kengashining samarali ishlarni ta'minlash bo'yicha boshqa vakolatlarni amalga oshiradi.

20. Jamoatchilik Kengashining kotibi:

jamoatchilik Kengashining faoliyatini uslubiy, tashkiliy-huquqiy va tashkiliy-texnik jihatdan ta'minlash masalalarini hal qiladi;

jamoatchilik Kengashining navbatdagi majlisiga barcha zarur materiallar o'z vaqtida tayyorlanishini ta'minlaydi, davlat organi xodimlaridan zarur hujjatlar va ma'lumotlarni so'rab oladi;

kun tartibiga muvofiq jamoatchilik Kengashi majlislari o'tkazilishini tashkil etadi;

jamoatchilik Kengashi o'tkaziladigan sana, joy va taklif etiladigan shaxslar ro'yxatini jamoatchilik Kengashining raisi bilan kelishadi;

jamoatchilik Kengashining a'zolarini va taklif etilgan shaxslarni jamoatchilik Kengashi majlisi o'tkaziladigan joy, sana va vaqt haqida xabardor qiladi;

jamoatchilik Kengashi qarorlarining ijro etilishi ustidan monitoring olib boradi va uning natijalarini jamoatchilik Kengashi majlisida ko'rib chiqish bo'yicha takliflar kiritadi;

jamoatchilik Kengashi majlisining bayonnomasini rasmiylashtiradi va tasdiqlangan bayonnomaning jamoatchilik Kengashi a'zolari hamda boshqa manfaatdor shaxslarga jo'natilishini ta'minlaydi;

jamoatchilik Kengashining samarali ishlashini ta'minlash bo'yicha boshqa vakolatlarni amalga oshiradi.

21. Jamoatchilik Kengashining a'zolari o'z majlislarida ko'rib chiqiladigan masalalarni muhokama qilish va hal qilishda o'z vakolatini boshqalarga o'tkazish huquqiga ega emas.

Jamoatchilik Kengashining majlisida ishtirok etish imkonini bo'lmagan holatlarda, uning a'zosi majlis kun tartibidagi masalalar bo'yicha o'z fikrini ýozma shaklda yuborishi mumkin. Bunda uning fikri majlisda ko'rib chiqiladi va ovoz berishda hisobga olinadi.

Jamoatchilik Kengashining a'zolari:

o'z zimmalariga yuklatilgan vazifalarni bajarish uchun davlat organi tomonidan tashkil etiladigan hay'at majlislarida va boshqa ommaviy tadbirlarda ishtirok etadi;

jamoatchilik Kengashi ish rejalarining loyihamalarini tayyorlaydi, ularni jamoatchilik Kengashida ko'rib chiqish uchun kiritadi va tasdiqlangan ish rejalarini bajarilishini ta'minlaydi;

davlat organi faoliyatining samaradorligini oshirish bo'yicha takliflar va tavsiyalarni ishlab chiqishda hamda amalga oshirishda qatnashadi;

davlat organi xodimlari, ularning oila a'zolari bilan uchrashuvlar o'tkazadi va ularning huquqlari, erkinliklari hamda qonuniy manfaatlarini ta'minlash bo'yicha takliflarni jamoatchilik Kengashiga kiritadi;

jamoatchilik Kengashining kun tartibiga kiritilgan masalalar yuzasidan tahliliy materiallar tayyorlaydi;

jamoatchilik Kengashining vakolatiga kiradigan masalalar bilan bog'liq murojaatlarni ko'rib chiqadi va natijalari bo'yicha tegishli hujjatlarni tayyorlaydi;

jamoatchilik Kengashining zimmasiga yuklangan vazifalar va funksiyalarga muvofiq boshqa vakolatlarni amalga oshiradi.

22. Jamoatchilik Kengashi faoliyatining asosiy masalalari uning majlisida ko‘rib chiqiladi. Jamoatchilik Kengashining majlisi uning ish rejalari asosida har chorakda kamida bir marta chaqiriladi.

Jamoatchilik Kengashining raisi jamoatchilik Kengashi a’zolarining uchdan bir qismining yozma murojaati asosida uning navbatdan tashqari majlisini chaqirishi mumkin.

23. Jamoatchilik Kengashining majlislariga boshqa davlat organlari, nodavlat notijorat tashkilotlari va fuqarolik jamiyati institutlarining vakillari taklif etilishi mumkin.

24. Jamoatchilik Kengashi majlisi kun tartibining loyihasi kotib tomonidan jamoatchilik Kengashi a’zolarining takliflari va jamoatchilik Kengashi raisining topshirig‘i asosida shakllantiriladi.

25. Jamoatchilik Kengashining majlisini uning raisi olib boradi. Rais ishtirok eta olmagan holatlarda, majlisni uning o‘rnbosari olib boradi.

Jamoatchilik Kengashining majlisida davlat organi rahbari, uning o‘rnbosarlari va boshqa xodimlar ishtirok etishi mumkin.

26. Jamoatchilik Kengashining majlisi, agar unda jamoatchilik Kengash a’zolarining kamida uchdan ikki qismi (kvorum) ishtirok etgan taqdirda vakolatli hisoblanadi.

Majlisni o‘tkazish uchun kvorum shakllanmagan taqdirda, jamoatchilik Kengashining yangi majlisi o‘tkaziladigan sana e’lon qilinadi.

27. Jamoatchilik Kengashining qarori majlisda ishtirok etayotgan jamoatchilik Kengashi a’zolarining oddiy ko‘pchilik ovozi bilan qabul qilinadi.

28. Jamoatchilik Kengashining har bir a’zosi qabul qilinayotgan qarorlar bo‘yicha o‘zining fikrini yozma shaklda ifodalashga haqli. Uning fikri jamoatchilik Kengashi majlisining bayonnomasiga majburiy tartibda qo‘sib qo‘yiladi.

29. Jamoatchilik Kengashining majlisida qabul qilingan qaror bayonnomaga bilan rasmiylashtiriladi. Jamoatchilik Kengashi majlisining bayonnomasi kotib tomonidan imzolanadi, majlisga raislik qiluvchi tomonidan tasdiqlanadi va uch kun muddatda davlat organiga, jamoatchilik Kengash a’zolariga va manfaatdor shaxslarga yuboriladi.

30. Jamoatchilik Kengashining qarorini tezlik bilan qabul qilish zaruriyati tug‘ilganda, uning raisi tashabbusi bilan qaror jamoatchilik Kengashining a’zolari bilan kelishilgan holda so‘rov yo‘li bilan qabul qilinishi mumkin.

universitet jamoatchilik Kengashining qabul qilgan qaroriga qo‘silmagan hollarda, jamoatchilik Kengashining qarorini olgan kundan boshlab o’n kundan kechikmay unga asoslantirilgan e’tirozini yozma shaklda yuboradi.

31. Jamoatchilik Kengashining kotibi kengash a’zolari ko‘magida jamoatchilik Kengashi qarorlari ijrosining borishini o‘rganadi va ko‘rib chiqadi, zarur bo‘lgan hollarda, jamoatchilik Kengashining raisiga tegishli takliflar kiritadi.

4-bob. Yakunlovchi qoidalar

32. Jamoatchilik Kengashining faoliyatini moddiy-texnik jihatdan ta'minlash universitet tomonidan, shuningdek, qonun hujjatlarida taqiqlanmagan boshqa manbalar hisobidan amalga oshiriladi.

33. Jamoatchilik Kengashining faoliyati uning nizomiga va O'zbekiston Respublikasining qonun hujjatlariga muvofiq ekanligi universitet rektori tomonidan nazorat qilinadi.



**Alisher Navoiy nomidagi Toshkent davlat o'zbek tili va adabiyoti
universitetining jamoatchilik Kengashi a'zolari**

RO'YXATI

T/R	F.I.SH.	Lavozimi	Kengashdagi vazifasi
1	Sirojiddinov Shuhrat Samariddinovich	Universitet rektori	Rais
2	Xoliqov Bahodir Aliqulovich	Yoshlar masalalari va ma'naviy-ma'rifiy ishlar bo'yicha prorektor.	Rais o'ribbosari
3	Normamatov Sulton Ermamatovich	O'quv ishlari bo'yicha prorektor.	A'zo
4	Abdurashidov Zaynabidin Sharabidinovich	Ilmiy ishlar va innovatsiyalar bo'yicha prorektor	A'zo
5	Normurodova Nozliya Zarilovna	Xalqaro aloqalar bo'yicha prorektor	A'zo
6	Abdushukurov Baxtiyor Bo'ronovich	Filologiya va tillarni o'qitish: o'zbek tili fakulteti dekani	A'zo
7	Raupova Laylo Rahimovna	O'zbek tili va adabiyotini o'qitish fakulteti dekani	A'zo
8	Sayfullayev Anvar Islamovich	Tarjima nazariyasi va amaliyoti fakulteti dekani	A'zo
9	Muhammedova Saodat Xudoyerdiyevna	Amaliy filologiya fakulteti dekani	A'zo
10	Sayyidov Sirojiddin Salohovich	O'zbekiston Respublikasi Yozuvchilar uyushmasi raisi, senator	A'zo
11	Umarova Hilola	O'zbekiston Respublikasi Vazirlar Mahkamasi huzuridagi Prezident ta'lim muassasalari agentligi direktori	A'zo
12	Muhammedjonova Feruza Xotamjonovna	O'zMTDP Markaziy kengashi raisi o'ribbosari	A'zo
13	Hayitov Shuhrat	"O'zbekiston tarixi" telekanali direktori	A'zo
14	Sattorov Shuhrat	XTV Respublika ta'lim markazi direktori	A'zo
15	Shukurov Eshqobil	"Ma'naviy hayot" jurnali bosh muharriri	A'zo
16	Choriyev Nurilla	"Yoshlik" jurnali bosh muharriri	A'zo
17	Jurayeva Gulnoza Axmadovna	O'zbek adabiyotini o'qitish metodikasi kafedrasi dotsenti	A'zo
18	Rashidova Nargiza Baxtiyorovna	Xorijiy tillar kafedrasi mudiri	A'zo
19	Ashurova Gulbahor Ne'matillayevna	O'zbek adabiyoti tarixi va folklor kafedrasi dotsenti	A'zo
20	Davronov Azimjon	Katta o'qituvchi	A'zo

21	Olimjanov Orifjon Odiljon o‘g‘li	Universitet yoshlar ittifoqi yetakchisi	A’zo
22	Rajabov Mahmud Panji o‘g‘li	O‘zbek tili va adabiyotini o‘qitish fakulteti talabasi	A’zo
23	Oppakova Kumush Saidkamolovna	Ota-onalar kengashi vakili	A’zo
24	Hamroyev G‘ofur Hasanovich	Ota-onalar kengashi vakili	A’zo
25	Arslonova Dildora Ismatillayevna	Ota-onalar kengashi vakili	A’zo
26	Lavozimiga ko‘ra	Viloyat XTB boshliqlari	A’zo
27	Ikromov Akmal Dehqonovich	Yoshlar bilan ishlash, ma’naviyat- ma’rifat bo‘limi boshlig‘i	Kotib